

Monica Pally, Ruera

13.9.88



Mes patratgs eran incuntin interruts: «... la Monica ei buc pli ...»

El trafficar da mintgadi va mintgaton enzatgei in tras gl'auter. Tut va buc adina sco ins veva previu e planisau. Ins ei lu mintgaton buc cuntas. Ins emblida denton puspei, sco ins emblida era ch'ins ei enqualgadas fetg cuntas. Tut ei aschi normal, se capescha da sesez. Schizun novitads che contonschan nus sur radio e televisiun impressiuneschan nus il bia mo per cuorts temps ... aschia ei la veta.

Mo lu, in di, ina novitad, d'ina persona, pervia d'in sulet malpass, enteifer ina secunda, metta tut sil tgau, ed il patratg resta, per adina ... la veta ei aunc autra.

Mes patratgs eran incuntin interruts, tgei occupaziun che jeu vevel: «... la Monica ei buca pli ...». Quei ha czazzau ditg tochen ch'ei era veramein realitat en mes patratgs. Ed adina relativava quella realitat lu tut. Caussas che parevan avon aschi narr impurtontas, vevan uss tuttenina survegniu tut in'au tra glisch. Miu far, sentir e patertgar era vegniu ord igl equiliber. Tuts anflan, ston puspei anflar la pesentincia. Mo enzatgei resta. Mintgaton percor sch'ins, che las peisas ein repartidas empau auter dapi lu.

Jeu sun vegnida dumandada da scriver surdad ella. Zaco va ei vess da descriver ina persuna en l'atgna vegliadetgna, cunzun pervia dils singuls plaids che defineschan aschi streng. Els dattan in'impressiun che vegn lu malediada ora da mintga lectur empau au ter. Igl esser d'in carstgaun san ins buc definir, aunc meins quel d'in giuen

carstgaun. Perquei para ei a mi era il plibi, da buc stuer far in maletg fix d'enatzgi, mobein ch'ins sa adina puspei renover quel enten s'entupar ed aschia cumpletar pass per pass.

Il davos temps hael jau stuiu vegnir conscientia ed acceptar che jeu sai buc pli cumpletar il maletg dalla Monica. Jeu sai denton rimnar tut las regurdientschias sco pintgas parts d'in grond puzzle. E cun gl'agid da tut ses enconuschents ed amits vegn quei maletg fors quasi entirs. Entgins tocs dil puzzle vegnan franc a muncar. Numnadamain quels che la Monica vess sezza aunc vuliu encuir per cumpletar siu agen maletg.

Atgnamein ina brev

in rir malign
in patertgar critic
aviartadad per novas ideas
sinceridad e seriusadad e cura
schusadad
e siu motor: il spass

Qualitads dad ella che jeu hai enconuschiu e che jeu hai astgau guder quei temps che jeu hai enconuschiu ella. Ella: Monica Pally, naschida 24-6-66 a Rueras/Sedrun, feglia da Lucia e Vincenz Pally-Brugger, sora da Ida e Patric, fatg scolas primaras e secundaras a Rueras e Sedrun, suenter a Cuera el seminari da scolasts, cun la patenta arriavada anavos a Sedrun e surpriu l'em prema classa, avon che cunituar cun els la secunda morta sil Culmatsch en-tras in accident, ils 30-7-88.

In necrolog? Na, Monica, jeu sai buc scriver en quella fuorma surda Tei. Jeu hai screet cheu sura quellas cefras per tgi che enconuscheva buc Tei, denton quei tuna aschi freid, aschi absolut, serrau en, senza spazi. Ina veta giuvna sco las nossas san ins buc descriver aschi precis e partiui giu en capetels. Nus vein aunc buc contonschiu tut nossas finamiras, nus vein bia portas aviartas elein era tener tontas sco pusseivel aviartas.

Silpli l'affonza savess ins descriver pli exact. Lezza era serrada giu e davos Tei ussa. Denton da gliez temps vivevel jeu en miu pign mund e savevel aunc nuot da Tei. Tes geniturs han teniu vi a mi ina foto, in portret dil temps en scolletta e raquintau enqual episoda. Ti eries in legher e content affon, in sulegli en famiglia ... Sin quella foto eras Ti occupada cul plastilin e dattas gest in egliada al fotograf en aquella ch'el smacca giu. Exact quell'egliada cun quell'expressiun da profunda concentrazione, equilibradad e contentien tscha enconuschavel era jeu da Tei ord

il temps da giuentetgna. Tuts, era scolasts dil temps dil seminari preziavan quella qualitat. Ti savevas s'engaschar, vevas patratgs profunds, quei che Ti schevas veva adina tgau e combas. E tuttina, beinsavens mava in lev surrir sur Tia fatscha, in surrir malign, in tec misterius, gest el dretg mument per sluccar in'atmosfera steria senza variazion e che carmalava neunavon fatschias rientas e cuntas cun expres siun da levgiament.

Naturalmein ei quei buc igl unic maletg che jeu hai da Tei. Segir vevas era Ti temps, per Tei pli grevs e che Ti duvravas in surrir ni in plaid d'enzatgi. Mo ussa che tut quei ei capitau, che Ti eis tuttenina buc pli, che Ti has bandunau nus amiez in surrir, uss lein nus tuts re tener mo las bialas varts da Tei. Enzaco, sco sch'ins vess mai saviu guder ellas endretg. Tuts culs quals jeu sun stada en discours surda Tei suenter Tia mort levan semplamein buc ver ver e capir Tia mort. Aschi spert, aschi grev, aschi freid, aschi dir ... nuncapeivel, senza senn ... Tut pareva per mu ments aschi vit ...

Ina gronda largia sentan éra Tes geniturs e fargliuns a casa. Ed els il pli fetg, il pli savens. Denton els portan ei bein. Jeu erel impressiunada en lur vischinanza ed hai survegniu curascha leu. A bien seveser!

Tresa

Sin fossa a Monica Pally

Pertgei viver sin tiara
mo in schi cuort mument
Pertgei gest Ti en bara?
Negin che dat cheu sclairiment.

La dumengia Ti partas da casa
per ils bials cuolms contemplar
da miezdi Ti levas turnar
mo nunspetgadamein han ei Tei
a casa en bara purtau.

Ins aud'il zenn da miert tuccar
Sa da tgi la mort el sto annunziar
la buna Monica ei buca pli
Negin che sa quei er'capir.

En casa paterna Ti eras beada
dils geniturs e fargliuns carezada
Er Tia clamada has elegiu
sco buna scolasta
Tes pigns instruiu.

Ella flur dalla veta
Ti has stuiu partir
Monica, Ti meretas
leuis il parvis!

Tia onda